

INFORME

ASUNTO: cumprimento da normativa de estabilidade orzamentaria das contas anuais de 2014.

En relación ao que establece o RD 1463/2007, de 2 de novembro polo que se aproba o regulamento de desenvolvemento da Lei 18/2001, de 12 de decembro, de Estabilidade Orzamentaria, na súa aplicación ás entidades locais; vixente en tanto non contradiga a Lei Orgánica 2/2012, de 27 de abril, de Estabilidade Orzamentaria e Sostibilidade Financeira, e polo que atinxe á Sociedade Municipal de Xestión do Transporte Urbano de Santiago, SA (TUSSA), informar o que segue:

1. Que TUSSA é unha sociedade de capital 100% municipal que se financia maioritariamente con ingresos comerciais, polo tanto é de aplicación o artigo 4.2 do Regulamento de Estabilidade Presupostaria (RD 1463/2007) que indica: as restantes entidades públicas empresariais, sociedades mercantiles e demais entes de dereito público dependentes das entidades locais, aprobarán, executarán e liquidarán os seus respectivos orzamentos ou aprobarán as súas respectivas contas de perdas e ganancias en situación de equilibrio financeiro, de acordo cos criterios do plan de contabilidade que lles sexa de aplicación.

Neste mesmo sentido exprésase a Lei Orgánica 2/2012, que no artigo 3.3 recolle que en relación cos suxeitos aos que se refire o artigo 2.2 da Lei (sociedades mercantís) entenderase por estabilidade orzamentaria a posición de equilibrio financeiro.

2. Pola súa parte, o artigo 24.1 do RD 1463/2007 considera que as entidades comprendidas no ámbito do artigo 4.2 do Regulamento (como é o caso de TUSSA), atópanse en situación de desequilibrio financeiro cando, de acordo cos criterios do plan de contabilidade que lles resulte de aplicación, incorran en perdas, cuxo saneamento requira a dotación de recursos non previstos no escenario de estabilidade da entidade do artigo 4.1 a quen corresponda aportalos.
3. Que as contas correspondentes a 2014, formuladas en Consello de Administración de 27 de marzo, presentan un resultado despois de impostos de 52.644,92 € de beneficio. Con este resultado, a Sociedade non require da dotación de recursos non previstos no escenario do Concello, entidade á que correspondería aportalos.
4. Achégase copia da conta de perdas e ganancias, na que se recollen os resultados do exercicio de referencia.

5. En canto ás operacións con partes vinculadas, é dicir, co Concello de Santiago, a única transacción realizada consiste no arrendamento de espazos na estación de autobuses para o uso por parte do Concello a prezos de mercado. O importe ascendeu en 2014 a 79.491,48 €.
6. Ao obxecto de aportar maior información, detállase a continuación o cálculo aproximado do aforro bruto, que para unha sociedade mercantil pública sometida ao PGC se calcula a partir dos datos recollidos na conta de perdas e ganancias, exceptuando determinados ingresos e gastos de acordo co que recolle a *Guía para o cálculo do aforro bruto* publicada polo Ministerio de Economía e Facenda.

No caso da conta de Perdas e Ganancias das contas de 2014, as excepcións para o cálculo do aforro bruto correspóndense coas seguintes partidas:

- Dotación a provisión de riscos e gastos
- Dotación ás amortizacións

Polo tanto, o esquema do cálculo do aforro bruto queda como segue:

= Resultado da explotación (segundo a PyG)	68.094,04 €
+ Dotación a provisión de riscos e gastos	13.434,35 €
+ Dotación ás amortizacións	49.145,52 €
= Resultado da explotación (cálculo aforro bruto)	130.673,91 €
+/- Resultado ingresos/gastos financeiros	2.099,19 €
= Resultado AFORRO BRUTO	132.773,10 €

É canto teño a ben informar.

Santiago de Compostela, 27 de marzo de 2015

O director xerente,
 Asdo./José Ramón Mosquera Ferreiro

CONTA DE PERDAS E GANANCIAS DE PEMES
CORRESPONDENTE AO EXERCICIO REMATADO O 31/12/2014

(DEBE/HABER)	NOTAS DA MEMORIA	31/12/2014	31/12/2013
1. Importe neto da cifra de negocios		1.252.078,87	1.226.843,66
5. Outros ingresos de explotación		100.972,01	95.646,47
6. Gastos de persoal	nota 10-1	-793.127,14	-769.481,10
7. Outros gastos de explotación	nota 10-2	-448.050,04	-484.094,94
8. Amortización do inmovilizado	nota 5	-49.145,52	-88.059,48
11. Deterioro e resultado por alleamentos de inmovilizado	nota 5	-507,63	-64.379,94
12. Outros resultados	nota 10-3	5.873,49	2.578,35
A) RESULTADO DE EXPLOTACIÓN		68.094,04	-80.946,98
13. Ingresos financeiros		2.099,19	2.399,83
B) RESULTADO FINANCEIRO		2.099,19	2.399,83
C) RESULTADO ANTES DE IMPOSTOS		70.193,23	-78.547,15
18. Imposto sobre beneficios	nota 9	-17.548,31	19.636,79
D) RESULTADO DO EXERCICIO		52.644,92	-58.910,36

